

OMUKWETU


No. 16

Registered at the GPO as a Newspaper

12c

OONKWATWA OTADHI TINDILWA OMAYAKULO GAASITA YAWO — AAWILIKINGELEKA YA TI

Omusamane Gerrit Viljoen, ngoka u ulikwa omasiku ngaka a ninge Komufala ndjai gwaSuidwes, peha lyomupanguli M. T. Steyn, shoka she mu kundu manga ta thiki pombelewa ye ompe ekundo lyaawiliki yoongeleka dhimwe dhomoshilongo shika.



Omumbisofi J. Kauluma

Omusimanekwa,

Tse aawiliki yoongeleka muNamibia, yomadhina ge li koho yombilive ndjika, otwa hala tu ku etele petameko lela lyiilonga yombelewa yoye oshinima shono twe shi etele nale omutetekeli gwoye, shi na sha netsikilo netulo moondholongo lyaantu yetu oyendjiyendji.

Nge tatu ulike kombilive yeeguluka twe yi nyolele eti 8. 5. 1979 nokeyamukulo lya Komufala Ndjayi eti 11. 5. 1979, otwa hala tu tye;

AGUSTE 30, 1979

MOMBILIVE YOMONTANEHO, YA GANDJWA WO NOKIIFO KOMUFALA OMUPE, OKWA DHIMBULUKITHWA SHONO OMUTETEKELI GWEKWA LI I INDILWA KOONGELEKA E SHI NINGE, SHI NA SHA NONKALO YIILYO YOONGELEKA DHA NYOLA OMBILIVE. OTAYI LESHWA NGEYI:

- a) Oshikalimo shematompelo gayo me-pandja 2, 3, kashi shi okutaambwa kutse.
- b) Omukalo kehe gwelongitho lyekuni, otatu gu tala kaagu shi gwopaveta.

Ano natango otwa hala tu tye kutya etulo lyaantu moondholongo pwaa na ompangu koshipala shohofa paveta, otatu shi

Tala kep. 2

Kutya ongeleka oya mwenawala nokutala komaudhigu tagi inyenge mevi lyetu, yo itaayi ningi sha, shika kashi li mondjila. Okuza 1964 manga nokuli ayihe ya fa yi. li nawa si-go. 1979 Ongeleka oya kala tayi pukulula epangelo li kuthe po inima mbyoka ya dhimbululwa kOngeleka tayi ka vala uupyakadhi. Epangelo olya tindi.




Omumbisofi R. Koppman

Ombilive yaawilikingeleka

Dha za kep. 1

tala shaashi omukalo noshi li ekota lyokuyonagula uuthemba wopantu (pashitokolitho 11 shUuthemba wopantu shligwanahangano.)

Otwa hala tu pule kutya omolwashike iilyo yomagongalo getu mbyoka ye edhiliwa noyo oyindji momwaalu, tayi tindilwa eyakulo lyopambepo ndyoka tali ya zile kaawiliki yongeleka dhawo. Ihe otaa thindilwa ashike eyakulo lyaasita yongeleka dhOombulu.



Omusita Paulus Gowaseb

Eidhopomo ndika, otatu li tala eyonagulo lyuuthemba wopantu nolyuuthemba wei-taalo lyaantu yetu.

Otatu koneke mpaka noshimpwiyu oshinene eindjipalo lyombepo ombwinayi yokwiihola mwene nelongitho lyoombumbo meholamo, mbyoka tayi kondjitha oohedhi dhopakriste neitaalo. Notu lwete kutya elongitho lyekuni olya kutha po uuthemba wopantu nombili nonkalonawa yoshilongo kaantu ayehe.

Itatu popi koonkondo dhetu yene, ihe Omolwashoka: "Kalunga ine tu ithanena okukala muulunde, ihe okukala aayapuki.

Onke ngoka ta dhini elongo ndika, ita dhini aantu, aawe, oKalunga ngoka ha gandja Ombepo Ondjapuki." 1 Tess.4:7-8.

Aawilikingeleka:

Omumbisofi Kleopas Dumeni (ELOC)
Omumbisofi James Kauluma (Anglican)
Omumbisofi Rudolf Koppman (RC)
Omuwilikingeleka P. Gowaseb (ELC)
Omuwilikingeleka Van der Westhuizen (A.M.E)

Ewiliko lyaVELKSWA komapepe gaDumeni

EWILIKO LEENGELEKA EENGHWAE-VANGELI PALUTHER MUSUID-WES-AFRIKA (VELKSWA), OLA TULWA PAIFE KOMAPEPE OMUBISHOPI WAELOK, DR. KLEOPAS DUMENI. ETOKOLO OLA DJA MO-SHOONGALELE SHEPANGELO-NGELEKA LEHANGANO ELI OMAFIKU A DJA KO.

Ehangano leengeleka mbali eenghwaLuther dOvalaule muNamibia, ola kala mewiliko lomuwilikingeleka umwe waado da hangana, Dr. Johannes Lukas de Vries, oule weedula nhe da pita.

Omushamane De Vries eshi ta ka xulifa po ouwilikingeleka waye neudo muSeptemba, ewiliko okwe li yandja komuwilikingeleka waELOK. Ewiliko lehangano ola kala alushe pokati kovawilikingeleka vavali veengeleka di li oilyo, pamalufu.

Oshoongaleleleka

Otapu ningwa yo omalongekido oshoongaleleleka shaVELKSWA 1980, Kalunga ngenge e shi hala. Onhele nefiku tashi ka kala ko, inashi shiivifwa manga.

Oshoongaleleleka shehangano eli oshi li ko alushe omudo omutitatu keshe. Oilyo yasho, ovoovo ve li oilyo yEpangelongeleka, ile va hoololwa moukomitiye wehangano naavo tava hoololwa kOmapangelongeleka ambu lavo ve li vatano novaponhele vavo.

Oilyo itatu yomuvatano tava hoololwa, ove na okukala ovakwaneongalo vongaho. Onghendabala eengeleka edi mbali di hengumukile mumwe, inai mona natango oimati.

Kwaasho sha yandjwa komukundaneki umwe, oshikundafanwa shinene tashi ka kala moshoongaleleleka tashi ya, okutalulula efinamhango omolwetokolo iongeleka onghwaevangeli paLuther yOvandongishi, i ninge yo oshilyo shehangano eli.

Eithikameno lyOngeleka miiniwe ope na etegameno


Ehumokomeho lyomagongalo gaELOK miiniwe, otashi gandja etegameno ewanawa meithikameno lyOngeleka ndjika. Osha zi mekonakono lyomudhiginini gwiiniwe yOngeleka, meme Maija Liisa Kaljunen. Okwe shi hokolola ngeyi.

Mokukonakona omahokololo giiniwe momagongalo 1977 na 1978, otatu dhimbulula kutya momumvo 1977 omagongalo gaali ageke ga li ga pita inaaga pumbwa ekwatho lyopondje. Ogo Engela nOkahao. Opwa li wo ngoka ga pewa ekwatho lumwe aluke ngaashi: Nakayale, Eheke nOngeleka.

Manga momumvo 1978 omwaalu gwomagongalo inaaga kwathwa sha ogwa londo nomagongalo ngaka oga talika omasindani mOngeleka. Ogo Engela, Okahao, Ongenga Onangalo, Eheke, nElombe. Otatu pandula ekon-djo ewanawa li thike mpa.

Omagongalo omakwawo gamwe oga piti wo hwepo sho ga pewa ekwatho lumwe aluke. Ogo Nakayale, Onaanda, Tshandi, Omuntele, Onayena, Oniipa, Ontananga, Onyaanya, nOshigambo. Omagongalo omakwawo i-

Tala kep. 6



Omudhigininiwe M.L. Kaljunen

EHEKELEKO KEGONGALO ONANGALO

Omolwondjoko yetu ya teka megongalo lyaNangalo, meme gwetu Ina Olavi Amupolo, sho e tu thigi po ombadhilila, onda hala okutsa egongalo omukumo kutya, kaleni omuthika, kwateni komatati gaakriste nokuhomata shili.

Meme gwetu omuyakuli nomupukululi gwetu moompumbwe dhopalutu nodhopamwenyo, okwe tu thigi mehwa lyomilema dhuuyuni mbuka. Olye we te tu kwatele komeho megongalo ndika?

Ihe otu shi shi, oshikaha shaJehova inashi fupipala okuhupitha nomakutsi ge inaga thita okuuva. Natu indileni, tu galikaneni Kalunga ketu hoka haku tu zile ekwatho.

Koothigwa dhaandjaAmupolo, komusilwakadhi, kaakwazimo nokegongalo lyaKalunga mOnangalo, Kalunga na thete po omahodhi geni.

Matheus L. Kainekelwa

Ondaka yOngeleka moudjuu woshiwana

Ongeleka oyo omulangeli woshilongo okupashukila oshiponga osho tashi uya. Hes.3:18 Pefimbo eli vahapu otava pe Ongeleka oushima, vati itai pangula oilonga ii tai ningwa moshiwana.

Apa ohatu tumbula ounima vamwe ashike mokati kaihapu oyo Ongeleka kwa li tai londwele epangelo eli kwa li na eenghono noufemba moinama yoshilongo.

1964 - Ongeleka yaElok oya li ya dimbulukifa epangelo li efe po okutunganga eemhangela domadumbo mu Namibia, netomhelo kutya otashi ka nyonauna oukumwe woiwana neudifo levangeli komunhu keshe.

1967 - Eengeleka da kula nhatu mOwambo, oda popifa epangelo liha longife vali omalusheno okuhepeka eenghwate.

1971 - Velkswa okwa nyolela omunisteli yotete omushamane J.B. Vorster omukanda wa yeuluka, epangelo laye li fimaneke oufemba wOmulaula.

1973 - Ongeleka yaAnglikan noya Elok, ova ninga eindilo kohofa i xulife po omadengo omapokolo efifohoni kovapolotika.

1974 - Eengeleka domOwambo oda yandja omatompele a yela kuKomufala weedalele da Suidwes pefi-

mbo olo omushamane Jannie de Wet, kutya omolwashike ovanhu tava fiye po oshilongo va ye mouponekwa.

1975 - Ongeleka yaKatolika kaRoma oya londwela epangelo kehoologo tali ningwa moshilongo lopaumwene li kukumwe.

1977 - Eengeleka yaKatolika kaRoma, yaAnglikan, yaELK, yaMetodisi noyaElok, oda indila omupanguli M.T. Steyn a kufe po oveta yokulimbililwa ovanhu, R17, ndele ponhele yayo pwa tulwa ashike edi da nyaa keonga; AG-26, AG-27, AG-50 tu di kwete fiyo onena, vati odokwaamena, ndele oda tulifa vahapu meedolongo.

1978 - Ongeleka yaKatolika kaRoma ya indila epangelo oixupe ya kufwa koCassinga i yeululwe mo meedolongo.

1978 - Oraata yEengeleka muNamibia ya londwela epangelo liha twikile nehoololo lopaumwene muDesemba 1978.

Ashishe osho shi li mokati ketu nena, osha dja mokuha pwilikina ondaka yOngeleka okudja 1964. Eembilive dopaufita dihapu oda leshelwa yo omaongalo, omo oilyo ya pulwa i ngungumane, i teelege elunduluko mombili noi ilikane nokuyepa omhepo yengwadjulafano nonghona. Sho eshi, osho Ongeleka tai ningi fiyo onena.

Kalunga umwe aeke, ndele ota ilikana keengudu dihapu. Umwe ota hambelele nota kuwilile eshi a mona ovanaenghono dounyuni ou va mona omhito oyo okukwata noku-idilila modolongo, omo ita mono vali ovo ina hala vali okutala nome-sho aye. Manga ongudu imwe otai tumbula shi lili.

Ookaume ovo mwa li mwa twa eengolo apa peumbo lange, osho yo peenhele deni moukololo ve lili nave lili, Kalunga na hambelelwe shili eshi a uda omailikano eni mefimbo la wapala. Twikileni natango okutwa eengolo oufiku nomutenya ngaa-shi hamu shi ningi shito. Omo ve li natango meedolongo, muNamibia fiyo okoRobin Island ngaashi tu shi shii.

Osha yela omailikano otae va kumike, keemwenyo osho yo komalutu, nande nava kale ovaidililwa, paife mounyuni ou.

Ohatu pumbwa mbela okulimbililwa ngee Ombibeli oye shi popya nale ku tya: Omafimbo ta e uya, otava ka kwatwa kohole yeliko lounyuni ou, va longe oixuna.

Omumwaina ota yandje omumwaina mukwao mokufya, naXe omona, omolwohole yeliko olo tali xulu po. Eshi oshe tu yelega shili paife. Ite olyelye ino hala okwiitavela? Ohole yeliko ya fika nee paife. Uene tuu oimaliwa, ya tuvika nee ome-sho Ovanamibia vamwe.

Ohole youmwainafana muKristus ofilu, ya kana mo. "Okanduba tuu, xwepo". Osho vamwe ve udite ngaho. Pombutu pa kalwa nee ta twala edina lomunhu opo hapu twalwa. Akutu shiwana shaNamibia! Ngee oho twala ovo ashike wa diladila, opo u mone okanduba koye. Judas womongudu yaJesus okwe ke i twalele kwaavo ve mu pele okanduba oko, ndele ova nyamukula ngaalipi? Otwa nyola po nale apa. Moshikefa oya pita mo, ya futa oo e tu endifa, opo tu mu kwate, oye Jesus. Judas okwa yukile peni? Okwe ke i kupula motembeli, ehe wete opo te i tula. Eshi a dimbulukwa kutya mboli ke na etimba ou, a piyaana, ta lili, ta lotauka, ita dulu vali nomongudu yavo.

Pamwe oove nee oo? Ombedi onaukelo, shiwana shange? Eshi osho sha li oshikando oshititatu, okuponokelwa komatanga eameno vati a S.Africa kwaame.

Kalunga na hambelelwe eshi Ovanamibia aveshe inava pwila mohole yeliko fiyo opaapa. Eliko olo tali xulu po. Omo ve li ovo tava lalakanene eliko olo itali xulu po. Va hala emangululo lashili vo tava lalakanene omwenyo waalushe ou itau monika momakoto oonyuni ou.

J.F.Halueendo

Ookaume muKristus ovo eliko la shili

Osha li oshinima oshikumwifa unene noshi hafifa yo vali eti: 5.2.1979, onguloshi yOmaandaha oo, eshi mokufika peumbo lange sha li sha fa omunhu to tu ondjodi. Ondjimbohambelero ya kaluka pombadambada: "Kalunga tii ku hambelele, pombadambanda tii ku imbile." Moku-xulifa ovelishe yaxuuninwa netumbulo olo: "Kalunga uv' ehambelero ndi" "Sho tii ku hambelele nena ndji." Osha li oshinima shikumwifa shili shengafifi lounona veedula 8-14 lwaapo opamwe novakulunhu, va dja poushiinda ovo vawa, uhe shii olyelye e va lombwela kutya:- Nakwii-lwa komapikipiki eti 3.2.79 Olomakaya olo, okwa aluka paife. Efiku olo ola li la kumwifa ovakali ponhele yaya ngaha mokutala omapikipiki eli (4) oshoyo oihauto i li lwaapo (7) ya dingilila onhele oyo aishe.

Eshi ongudu yovahambelero ava va hovela eimbilo olo 426: "Hambelela tatu hambelele Kalunga ketu, oshoka e tu hole aluhe." Omunhu oto li pulameni to ti: Olyelye e va ifana pai-

fe eshi? Ookaume muKristus, oo eliko linene li he shii okuyelekwa nande. Oumwainafana ou oo edidiliko limwe linene muNamibia letu.

Ookaume muKristus ohau holoka ngahelipi mbela? Omailikano inaa udika ashike fiku Paulus naSilas va li modolongo mwinya mboli, ayee, fiyo onena eli, Kalunga kashili oku udite omailikano etu noovashitwa vaye. Apa ohatu mono Kalunga a uda no-kwa nyamukula ovanhu vaye pefimbo olo, ve mu ilikana.

Omukumo oto u udu mwoove meni loye mwii. Omamunghono ta uya mwoove nonyati tai uya uhe shii apa tai di, tai xwama inene ihe shii okuyelekwa. Momilaulu dodolongo, omailikano omo taa piti taa pamhadala ovaidililwa vaKalunga. Oto kumwa ngee u li mo omo. Omaimbilo omo eli omo mokati koufiku aushe. Ovashitwa tava tange Kalunga kavu. Nonande ova mweneke, kutya otamu weelele, hashili, venya otava tange Omushiti wavo pombada, Kalunga omunaenghono adishe vehe na efudepo nande.

Ondi shi shii kutya opwa li olwoodi linene apa nopo hali kala yo noshito.

EYAKULO LA TYA SHOO OLA ETIFWA KEVANGELI

Omushamane Ruben Hashoongo ota popi nepandulo kombinga yeyakulafano la holoka moshwana ngeenge umwe a hangika koudjuu. Ndelene oku na natango omapulo a hala enyamukulo. Ota ti ngaha:

Ouyebele wevangeli owa minikila nde tau eta nawa poluhacela oshilonga shoudiakoni.

Konale eefya moiwana imwe ngashi mOmbadja ngenge wa filwa; ovanhu ohave uya keefya noumbale mwii, wa kaka omalukula wa tulwa pomitwe wa endekwa, kau na sha.

Paife omolwevangeli ovakriste aveshe ova ninga ovadiakoni. Ngenge wa filwa vakweni otave uya nomaufila nde apeshe opo.

Panghedi ei ovanhu ovo ve uya keefya otava dulu okuyakulwa nawa. Ashike omaufila oo ihaa tuvikilwa nee. Eexuxwa neembwa otai li ashike.



Epulo opo nee li li apa, kutya omolwashike sha efelwa ngaha?

EWEDELOPO

Omulongekidi woshifo eshi a lesa okapopiwa aka, okwa pendulilwa yo omhumbwe yokuwedelapo sha. Omunyoli okwa eta olupandu meyakulo leefya olo la holoka moilongo imwe ile momaongalo amwe po.

Ashike oku na oiwana imwe natango oyo ya fyaala noya tindila meenghedi dikulu-



Omusita Stefanus Mvula

kulu odo dihe na vali epopilo kovanhu va minikilwa keendjovo daKalunga.

Moiwana imwe natango yomongeleka ya Elok onghee ngo tai yakulifa ashike eefya dayo nomalodu opuwo. Ohapa wedwa yo shili ombelela oyo hai liwa ashike hamwasha. Oifima kai po, osheshi oufila kau po. Do nee eefya doludi eli luhapu ovanhu oluhodi oli li mumwe noukolwe neshikulafano ola pumba mo.

Kape shi mbela okuningwa sha shipe tashiholola eyakulo lovanhu va minikilwa? Tu likundeni komapulo aa avali.

YA KA YAKULA MANGA MOU- SHIMBA

Omuwevangeli Dan Hamunyela, ou a longa meongalo laDundja oule weedula 6, Epangelongeleka ole mu tuma a ka yakule manga ovamati novanailonga aveshe mOushimba pamwe neumbo laye, meme Hilde nokashiveli kavo Hilma H. P. Laudika.

Kovaleshi vOmu kwetu tate Hamunyela okwa ti ngaha:

“Ovamwatate, ohatu mu halele ekondjo liwa molwoodi leitavelo muJesus, mounyuni ou wa nyonauka. Dameni mondjovo i na omwenyo. Rom.8:31-39 Eimbilo 415 mEhaagano.”

Ovanyasha Ovahalushu va lya ouholo

Ovanyasha meongalo laHalushu ova nyikifa ovanyasha aveshe vomoshitaingeleka shaUkwanyama mokwoongelela oshikefa shetumo oimaliwa. Moshongalele shokomudo mokati kovanyasha voshitai osho, eongalo la Halushu ola ongela R655,00 okuyeleda neeranda 90 edi kwa li da teelwa.

Omaongalo aeshe 16 mOukwanyama okwa longa oshimati neudo nokwa wanifa oshinakuwanifwa shao. Nde Ovahalushu ove va pa enghete.

Ev. Filippus Nakanwe

Omusita Mvula ishe- we kOlange

Omusitagongalo Stefanus Mvula, Epangelongeleka oye mu uthile a ka yakule iilyo yOngeleka yetu kOlange (CDM). Omusita Mvula okwa kala omumvo gumwe noomwedhi dhimwe moshilonga shokudhingoloka momagongalo gaElok nopondje oku uvitha. Noshilonga shika okwe shi longo sho a kala tango meyakulo lyaanilonga kOlange konyala omimvo mbali.

Tate Mvula mokulaleka kwe, okwa ti kutya, andiya ano manga ndi landule mboka twa kala hatu tsakanenne nayo momayakulo, kiilonga yawo. Galikanenii ndje natango meyakulo ndika.

Aasamane, ondjokana omu yi uvite ko tuu

Onda hala okupopya kombinga yondjokana, unene tuu kombinga yomusamane. Aasamane oya fa kaye shi elalakano lyondjokana kutya oshike. Otaa hokana omolwomukalondjigilile nenge omolwomaiuvito kutya oku na okuhokana.

Omumati ngele ta pula okakadhona ke ya hokane, oha dhimbwa kutya ota ka tsakanekwa kuudhigu. Omolwashike ha popi owala ombinga yenyanyu, nkene taa ka nyanyukwa megumbo lyawo epe naayihe kutya otayi ka enda nawa?

Omumati, lombwela okakadhona koye nkene ngoye mwene wa tya. Shoka u hole naashoka waa hole. Okakadhona ka lombwela, nako opo ke ku lombwele wo nkene ka tya.

Uudhigu moondjokana owa holoka olwindji shoka aasamane inaa simaneka ondjokana. Otaa hokana okugwanitha omuthigululwakalo opuwo. Oye li muundingosho miikolitha nomokati kiikumbu, manga omukulukadhi gwe naanona taa si ondjala nonkayi kegumbo.

Omukulukadhi, omuthigona gwaKalunga oye ta kambadhala okumonena aanona iipalutha noku ya zaleka. Esimano lyomulumentu oli li mpoka ngele haa kundathana omaudhigu gegumbo okutungona onkalo yawo yokomeho nokuputudha aanona yawo aaholike.

Aasamane dhimbulukweni kutya aanona kaye shi owala yaakulukadhi, oyo ishewe inaye mu pula mu ya vale noku ya hepeka. Oshinakugwanithwa shoka osheni, tate nameme mu ya sile oshimpwiyu, ya topelelwe onkalo ombwanawa nohole yaakuluntu yawo noya vule okugwanitha iilonga megumbo li na elago.

E. K. Kuume

Oyoonda otai kalele po shike

MOmukwetu No. 10 moshipalanyolo "Oyoonda nai kale po", omufimanekwa ota popile okukala po kwoyoonda nomatomhelo aye ongokuyandja oshali. Ohandi mu pandula ngaa, ndele ondi na omapulo mahapu kenyamukulo laye.

Ohandi tu kumwe na naku eta po oshipopiwa osho kutya oyoonda nokulya kwomafiku mahapu naku fye pashifo shaApilili 15, 1979.

Osha yela kutya kapu na oshali hashi dinwa ile shi kondololwe. Ndishi nakupewoshali haye ha hoolo'a, ndele shaye okupandula ashike, nande okanima okanini. Kombinga yoyoonda, onda tala kutya okulanda okakadona, osheshi naku pewa oha tale kutya ongombe oyo oya tya ngahelipi. Nota hovele okuyandja omaushima.

Kokutya okakadona oka tekulwa nalenale, kovakulunhu vako, hano omumati ye ina tekulwa yo efimbo lile? Ile outeku womumati ovakulunhu ihava mono oupyakadi ngashi pokutekula okakadona? Inandi hala ngeno ndi tye omumati naye na ondwe, ahowe.

Onda hala ashike tu taleni kombinga yoyoonda ngeenge otashi dulika tuu i fye po nonghendabala yokuninipika ehepeko loimaliwa pomafundula.

MOwambo oyoonda oi li ashike koiwana ivali, ile itatu. Ovanhu ava ihava ondwa, hano inava tekulwa nawa? Epulo. Ile vo ihava ka hombolwa nawa ngashi ava hava ondwa? Epulo.

Ohandi fimaneke unene ovo ihava ondwa, osheshi ova tala kutya ovana ove na ondilo itava dulu okufutwa ongobe imwe nomatemo. Onghe ove na ashike okuhombolafana orno-

lwohole navali ova tala kutya outeku aushe ou fike pamwe.

Onda tala kutya ovanhu ovo hava tambula oyoonda, ova luvapalela eengobe davo, vo va nyengwa kutya omumati na tomene okakadona kaye nokooxemweno. Sho paife osha yela nee omumati oye ha ka tomena nokooxemweno, osheshi oku na oyakulunhu vamwe hava tomenne ovana ngeenge ashike va ondwa. Sha yela kutya omunhu a tya ngaho, ina tomena omona-

Vali okakadona ngeenge oka hengana konima yehombolo fimbo ina ka mona okaana, nena ongobe oi na okushunifwa, nande i hangike ya fya nale. Oko ngoo okuyandja oshali oko? Epulo. Ava ihava ondwa, ohandi mono hava tomenwa eengobe dihapu nokuli di dulife pudaava hava tambula oyoonda. Hano pomifyuuluwakalo hapo nande, tyeni shapo omwa luvapalela oimuna yeni.

Ootatekulu eshi kwa li hava ningi oitondokela koilongo, okwa li hava kwata ovapika, ovo hava kulilwa ko nongobe. Ndishi ohatu tangu na ovamwetu tava hepekwa keehombo?

"Omunhu nghe e li ota longifwa a fa omupika. Ngeenge okangobe aka a ya muko, ihaka shuna?", osho oonakudala hava ti.

Naye oshe mu yelela hano kutya oyoonda kai fi oshali. Kwafeinge mu leshe "Egumbo lya na elugo", nye mu tale oshilanduli shoyoonda kombinga imwe.

Oinima oyo, oyo nee hai ka eta omaupypkadi meehombo dopaife. Unene tuu omunhu ngeenge okwa monifwa oixuna pefimbo lokwoonda, ye omunhu ta pangelwa a fa omupika. Eshi osho hashi ningwa, nande hakwaaveshe.

Oshali hano oshi li peni, taku konakonwa oinima tai shikula apa:

OOVE LYELYE

Eli olo epulo lipu komunhu keshe. Oshipu okunyamukula: "Aame Maria Penda; Kondjeni Mhani", pehena okulinyaa momutwe. Okushiiva edina lomunhu osho shotete meputuko. Okanona oke shi edina lako manga inaka shiiva okupopya.

Edina ola twama muko eshi ka yolifwa ile ka pewa okulya ngeenge ka yelula eke ile omutwe eshi ka ifanwa: "Kondjeni".

Edina olo oshinima sha fimana, shipu ndele oshidjuu nande oudjuu inatu u nongela. Vanini, ngeenge ope na, ohava kufa okafimbo kanini okudiladila noku lipula manga inava tumbula: Kondjeni, Mhani.

Vahapu ohava ningi oitendele yomadalo okudimbulukwa omafiku oo va kala nomwenyo, ndele ihava diladila kutya okupopya omadina avo efimbo li fike opo otashi ti nosha longa shike. Epulo eli olidjuu nande inatu shi koneka, shaashi omupuli okwa hala okuada, okufaafanifa nokuyelekanifa naasho ta tengeneke omunhu e li.

Omukuluwonale okwa tile: "U likile nge kaume koye, ndi tale nghene wa tya".

Eshi omunhu ta nyamukula: Maria Penda, ye e li monghalo oyo itai tu kumwe noyMaria ou a tile; "Aame omupiya wOmwene nandi ningilwe ngaashi wa tonga", nena enyamukulo komupuli oikumwifa yongaho shaashi eshi itashi holola kutya "Edina ekogido."

Nomutoto umwe, Kondjeni, Mhani oye edina a kale ofule noshilongifo shiwa osho tashi kala eyakulo lokuhangififa vawao oshilalakanenwa. Omadina mawa tu a na oo omaindilo oonakudala ongova-hunganeki ovo va tala osho twa li tuhe shi shii. Eshi to ende noto nyamukula kepulo eli, kufa okafimbo u litale, osheshi eli olo edimbulukifo u litale ngeenge ou li tuu mondjila omo wa indililwa mo.

Oku na vahapu tava pe oonakudala oshima omolwomadina avo, vati omai. Oku na edina linene tali wapalekifa aveshe olo Jesus Kristus. Mulo fye ooNashiyemepya hatu ifanwa ovakriste ntwaningwa ovaneumbo laKalunga. Medina hatu pulwa shihapu tete manga inatu nyamukula: Aame Omukriste. Eliyandjo la wana kEdina eli osho oshinakuwanifwa shotete.

1. Ongobe oinini
2. Oi na oluvala lii
3. Oya kulupa
4. Eengobe detu denghedi iwa, eda tovifa
5. Oshinima shindede, sha ya mongobe yanage yakula.

Oshinima shondilo, itashi landwa, ohashi yandjwa oshali. Kristus okwe tu mangelula, tu kale twa manguluka nomomifyuuluwakalo odo tadi kolonyeke Gal.5:1.

P. Sh. Shipo



Opwa li ethimbo uuna eputudho lymunona lya kankamekelwa komagandagulo nokomadhengo. Pethimbo ndika oyendji oshe ya tompela kutya oonkundathana nomunona meputudho odha mana ompata.

Eshi oufiku wa tya keengulasha noudjuu pamwe okudja pepito fiyo eningino letango opi napu fike okulyaamena kwetu kEdina eli efindani. Edina li dule omadina aeshe notali twilwa eengolo kombada yedu nomeulu. Olo tali dulikifa aishe. Ofule nEpenda ou okwa popya nokwiiingida:

"Omunhu ita hupifwa ashike komungome, ndele okOndjovo tai di mokanya kaKalunga; Kalunga koye oye aeke u na oku mu fimaneka nokutwa eengolo." Oye eenghono, omufindanifi nelitangelo letu, tuha findwe nande keenghono domilema. Tu djaleni Edina eli moipala yetu nokumanga oiya yetu nOndjovo ei noxwikixwiki yokomutwe itai ka kana.

Kornelia E. Hatutale

Oshikalimo sheyamukulo inaashi taambwa kaawilikingeleka

EITHIKAMENO LYONGELEKA

Dha za kep. 2

OMBILIVE YEEGULUKA YA LI YA NYOLELWA OMUPANGULI M. T. STEYN, KORAATA YOONGELEKA MUNAMIBIA (CCN) (TALA OMUKWETU NO. 9/1979 EP. 7), OYA LI YA PEWA EYAMUKULO NGASHI TALI LANDULA MPAKA MOMAPANDJA 2,3, NGOKA GU ULIKWA.

A) MEP. 2 - Onkalathano ya S.W.A. ompe noyi li natango mekoko tali endebele, oya kankamekelwa:

- koohedhi dhopakriste nokeitaalo
- tayi lalakanene emanguluko lyoshili neithikameno
- pandilo yomuntu nombili monkalonawa yoshigwana komuntu kehe.

Oshigwana sha tya ngaaka pethimbo ndika oshi li koho yonyanya, yomatilitho gomadhipago ngaashi taga landula:

- edhipago pamukalo gu nyanyalitha kaakwashigwana shombili mwa kwatelelwa aakiintu naanona yaa shi okwiigagamena.
- eyakopo lyaantu
- omathininiko gaa na ohenda taga tsikile owala ngoka taga lalakanene okuthindila oshilongo ashihe mokwaa na uufudhilo
- eyonaqulo nomayugo gomathininiko gomaliko gaantu oogumwe noogumwe nomahangano ngoka ge lile po oshigwana. mwa kwatelelwa Ongeleka noosikola dhepangelo

Onke mongundu yopolotika yuudemokoli ndjoka ya tula nawa melandulathano ngaashi ndjika yomoshilongo shika yi li, pwaa na omalimbililo, egameno netulonawa lyuwanawa woshigwana, olya li li oshilalakanenwa shotango shepangelo.

Uuwanawa wa ngambekwa womuntu mwene, ou na okwiiutha kuuwanawa wokombanda waayehe, nongele tashi pumbiwa pu iyambwe oku wu dhiginina nawa.

Unene mpoka pwa wilikwa mepuko, inapu talwa nawa nenge tapu idhiladhilwa ashike, omuntu gumwe nagumwe.

“Omwene, tala nhumbi nda fininikwa. Meni lange tamu fuluka. Omutima wange owa pilama meni lange, osheshi ame onda li ndi na ondudi. Pondje eongamukonda la kufa nge ovana vange, meni loshilongo oudu wolutapo.

Vo ova uda okukema kwange, nghi na muhekeleki. Naashi ondi shi shi oove we shi ninga Omwene.”

Yamwe mboka ya tulwa kungame mondholongo, iilyo yehangano ndyoka tali ehameke onkalathano noshilongo ngaashi sha yelithwa pombanda. Oyo ayehe ngashingeyi oya pukithwa nayi opo ya humithe komeho omalalakano gawo.

Oya pukithilwa mehongololo ndyoka tali hingile mepunduko enene ndyoka monkalo yetu yongashingeyi tali vulu okufutilwa paupolotika. Iilonga yawo otayi dhipaga uulinawa waantu.

Omauwanawa goshigwana shetu oshipe, otaga pula ooveta dha pama tadhi pewa aantu. Osho she ya edhililitha shoka mondholongo.

Meihempululo lyawo ngashingeyi ya dhiladhilulule epuko lyawo, oye na ompito okwoopaleka oondjila dhawo. Patompelo ndika osho she ya kuthitha noshe ya dhigininitha shoka.

B) MEP. 3 - Kombinga yepulo lyeni kutya oonkwatwa ya pewe omauwanawa gelandulathano ye li dhiladhilwa, opo pu ye ombili ndjoka ye yi dhiladhilwa, naakwashigwana mboka yi imangeleka koooveta, oshi li mondjila shi dhiladhilwe shi vule shito koshili ndjoka kutya omunino gwomeya gwoshikunino gwa dhiladhilwa okutekela oongala dhoshikunino shombili, kagu vulu okudhimwa nago omulilo ngoka gu li pokuninga epeya.

Moshiponga shi thike mpoka, onkatu ya kola oya li yi na okukuthwa yi kwathe. Sho shoka osho ihe sha ningwa moshinima shika ngashingeyi. Nongele to shi dhiladhila nawa, mpaka ondi inekela oto ka zimina kutya kape na we ondjila yilwe ya gwana yaa shi ndjoka ya kuthwa.

Otashi eele ndje oluhodhi sho iilyo yEpa ngelongeleka yeni ye li mongundu yaamboka ya edhililwa. Oshinima shono shopaluhodhi, otashi ulike nawa uukwatya womadhipago gomonanguwi koshigwana shetu oshipe.

Ompumbwe yongashingeyi inayi kala po shito oyokutonata ethimbo kehe newiliko lyaa na eongaongo kumboka taa puka mo mondjila yomikalo dhopambepo nodhopasiale.

naaga holokela mpaka oga pewa ekwatho lyopondje lwaali.

Numvo Epangelongeleka olya adhika nokuli lya londodha aasitagongalo kutya: Ekwatho ndika hali monika kOshikethangeleka hali yambidhidha omagongalo ga pite nawa moompumbwe dhago, itali ka monika we enene ngaashi shito, olya shonopekwa.

Omagongalo agehe otaga indilwa ga kondje komukalo kehe taga vulu opo ga vule okufuta iifutwa yago ayihe pwaa na okuligamena ekwatho tali zi palwe. Meme Kaljunen okwa hulitha ngeyi ehokololo lye:

“Natu tale ano tse nangoye nkene tatu kwatha numvo egongalo lyaa ndjetu.”



Meme Lucia Hamutenja, hamushanga woikwaweta mOswapo, oye umwe kwa li weenghwatwa di dule 70 meedolongo mUnamibia, nokwa pita mo paife. Mwaavo va idililwa omu na ovahongi 16, ovafitaongalo 2, hamushanga woifo 1, ondohotola yomiti 1, ovanangeshefa 7, omulongi mombaanga 1, omuwiliki wehangano lokuleshifa 1, bahende 1, omuhongwa moikwaweta 2, novakainhu 6.

Okamba yomahepeko yi itsuwa muNamibia

MOSHIFONKUNDANA SHAZAMBIA SHEDHINA "TIME OF ZAMBIA. 21 JULI 1979", O-MWA LESHWA ONKUNDANA YOONKWATWA DHOMOSHIPONOKELA SHACASSINGA ETI 4 MAI 1978, DHI ITSUWA MOKAMBA PUHARDAPDAM POPEPI NOMALINDA (MARIENTAL).

Onkundana ndjika oya gandjwa kiifo kuAmushanga gwomayelithilo gwaSwapo, moLusaka, omusamane Peter Katjavivi. Nguka ehokololo oya ti kuyta okwe li pewa (kontaliiho) kuna shi mona yemwene.

Okamba ndjoka taku ti oya tungwa pamukalo gwookamba dhaHitler (Hitler), oyi na onkwatwa 140, mboka ya kwatelwe moCassinga 1978. Yamwe yomoonkwatwa ndhika onkundana otayi leshwa kutya;

Oya tsipulwa omeho, oya tetwa omakutsi, omilungu, omagulu, omaako noonyala ketanga lye-gameno lyaS. Afrika. Yamwe oya si nale komahepeko, osho oshifo tashi ti.

Ehokololo otali tsikile kutya, onkwatwa ndhoka dhi li po natango odhi li momahepeko omadhigu gopalutu nogopamwenyo sho tadhi fi-kwa nomalusheno. Otadhi longo iilonga iidhigu mokufula iilambo, okutungo oondjila noku-teta omiti.

Onkwatwa 40 odha tembudhilwa ngashingeyi kondho'ongo yaGobabis melalakano ya longithwe okukondjitha Swapo noopropaganda. Mboka haa si komahepeko mokamba ndjika, omusamane Katjavivi okwa ti kutya:

Ohaa ke ekelwahi komadhagadhaga koshitopulwa shiita.

Epangelo lya S. Afrika oya patana onkundana ndjika.

Omugoya ta dhana nomayoka

Omulumentu gumwe egoya, okwa yi moshikunino shiinamwenyo. Okwa yi mokandjugo komayoka nokwa tameke okudhana nago. Molwashoka ethimbo oya li lyuutalala noonkondo, omayoka kaga li taga vulu okwiinyenga.

Omulumentu okwa kutha po limwe lyontoka e te li tula mombaikitha ye li uve uupyu, ye a vule oku li dhanitha nawa ngele lya tameke okwiinyenga.

Eyoka sho lya huhulukwa, okwe li kutha mo ya dhane ihe. Ohaluka olye mu shomona nokwa si mbala.

Oyendji otaa dhanitha uulunde, noya dhina Kalunga. Ondjambi yuulunde oyo eso.

Taavi Shigwedha

Ekundo koshigwana

Oshigwana ashihe, ooyene yomikunda, ooyene yiilongo naaviyauki amuhe, onda hala ekundo ndika li thike kune tali pitile mOmukwetu.

Aantu ayehe naa galikanenwe 1 Tim.2:1-6


■ Litheni oshigunda shaKalunga mwe shi pewa 1 Petr.5:1-4

■ Tu longeni aana yetu oohapu dhaKalunga Ps.78:1-8

■ Uukolokoshi waantu otau hili ondjahi yaKalunga 1 Mos.6:1-6

J.Sh.Ndjembo

Kalii po nawa, nani nda nyengwa



Komufala Ndjayi gwaSuidwes, omupanguli M.T.Steyn, melaleko lye okwa ti kutya shono a nyengwa okugwanitha miilonga ye osho okuhanganitha aatiligane yoshilongo shika nokuthikitha evi ndika memanguluko.

WINDHOEK:

Omupanguli Martinus T. Steyn, komufala Ndjayi gwa Suidwes-Afrika, mokushuna kwe kuSuid-Afrika hoka a zile a fale ando evi ndika memanguluko, manga inaa za po mpaka okwa zimine kutya okuhanganitha Aatiligane nokuthikitha evi memanguluko lyalyo, oyo imima yotango ye mu nyenge miilonga ye.

Shika okwe shi lombwele oshifonkundana "Windhoek Observer 4/8/1979".

Ye omulanduli gwe omuprofessori Gerrit Viljoen, okwa lombwela natango oshifo tuu shoka nokutya, ye ke na siku na hulitha po okukala Ombulu, nomutima gwopanasionale.

Omusamane nguka okwa popya oshindji okufatula oshinima shoka.



Angola ota pula iifutila


Epangelo lyaAngola olya pula li futilwe kepangelo lya S.Afrika omolwomayonuko giiponokela ngoka ga ningwa kulyo momimvo ndatu dha piti.

Epangelo lyaAngola olya ti kutya aantu 1,383 oya sile miiponokela moka mu na oontauki dhaNamibia, S. Afrika naZimbabwe. Aantu 1,915 oye ehamekwa neyonuko lyiinima yondando yooranda dhoomimiliyona 254 olya ningwa.

Ehokololo ndika lya falwa mOraata ya V.V.O. otali hokolola aakwashigwana yaAngola kumwe naakwiita ye momwaa-lyu gwoonakusa kutya oye thike 570.

Eponokelo lya ulikwa mpaka lya li edhigu oondyoka lyomuCassinga eti 4.5.1978, moka ehokololo lya ti omwa sile oontauki dhaNamibia 612 mboka etata lyadho aana.

Nde ya po, ngame otii ke shi pondola



Komufala Ndjayi omupe gwaSuidwes, omuprofessori Gerrit Viljoen, mokuthika kwe nomokutaamba oshilonga she oshipe, okwa ti kutya oshinakugwanithwa she oshinene, otashi ka kala okumonena evi ndika emanguluko lya yalulwa nokutsitha aakalimo kumwe.

Ihe ngame ote kala gwongundu yAatiligane mboka taa ti kutya omuluudhe kee na okupewa uuthemba u thike pamwe naamboka womutiligane.



Omusitagongalo Reinhold Muremi

ETOKOLO

LYEPANGELONGELEKA

Omusitagongalo Reinhold Muremi, noshilyo shEwilikonundu lyOmukwetu okwa mwene kwa miilonga ye kE-pangelongeleka paMauthom-pango oshitokolitho 92



A KA FUDA PO MANGA

Omushamane Johannes Hatupopi, mEmbaxu, mOukwanyama, Omwene Kalunga okwe mu dimbula molikola yaye eshi a vela efimbo lile eti 24.7.1979.

Tatekulu Hatupopi, okwa kokololela vahapu moukriste, okwa longa vahapu okulesha. Omwene e ke mu tulumukifa.

Fye ohatu yandje olupandu letu kwaamusha mwa li mwa viyauka nakufya, Kalunga ne mu punike. Ekundo komufiyekadi nokefiwa 1 Tess.4:13-18

Ponhele yovatekulu
Paulus Sh. Kandume

Aaleshi yOmukwetu, mwa kundilwa po

Omutumwa omukulu mpaka mOngeleka yaELOK, meme Anna-Kaisa Ripatti, okwa li a talelepo ookuume naaholike mOngeleka ndjika miiwike ya piti. Mokushuna kwe kuSoomi, okwa kwatwa kondjuulukwe yokukundila po aaleshi yOmukwetu.

"Onda yuulukwa oku mu tumina ekundo nepandulo lyandje, nongele tashi vulika li nyanyangidhwe mOmukwetu." Osho ye mwene a ti. Ekundo otali landula mpaka:

Aakwetu aaholike, ookuume naalongwa yandje yonale mOwambo. Omuwa na kale nane.

Omuhongi a pumbiwa

Ofikola yedina:

ONANGWE GEK., BOX 5, OSHIKANGO, 9276.

oi na omhumbwe yovahongi vatatu, va pita ouhongi.

OTU NA OSTANDA SUB A FIYO IV

Ninga eindilo loye

KOMUKULUNHUFIKOLA KOWADELESI YA ULIKWA POMBADA.

NAMIBIA

Hwiyaka lwokuumbugantu
Popeni na Azania
Ku na evi likalela.
Li nooyene ye li hole
Ye li mo nokunyanyukwa.
Ye li luka edhina lyalyo
Ye li luka Namibia

Namibia osho oshilongo oshivanawa
Shi nuuntsitwe woopala
Shi nokawe nongopolo
Shi namapya niimuna
Shi nombuga nomakuti goopala
Shi noondundu nomilonga

Meopalo nomukengeli
Aanamibia oya za mo
Taa taaguluka omakuti
Yu uka kuAngola na Zambia
Ndee ka tee Tanzania

Aamwayina naaholike ya thiga po
She ya enditha oshike?
Yo kaaye niipindf
Aaleli yaa hwiyaka taa pula
Enota lyemanguluko
Nondjala yuuthemba womuntu
Aanamibia taa yamukula
Ku S. H. Asino

Ngele tandi mu dhiladhila ne amuhe onde mu mono momagongalo, moosikola dhi ili nodhi ili nane mboka mwa talele ndje po kOniipa; kOnandjokwe, kOnayena, kOshigambo nokuElim, naamboka nde mu adha kOkahao nokOmbalantu, kEngela, kOmuntele, kOshomeya noKavango.

Otandi mu pandulile uwanawa ahuhe mwe u ningile ndje. Nomagano geni nde ga pewa, otaga dhimbulutha ndje kutya ondi na ezimo mOwambo. Yaloo, nda ti tangi.

Ekundo lyandje kune amuhe, aakriste aaholike, oli li mAakolosa 2:5-6. Li taambeni ano nombili.

Omukweni,
Anna-Kaisa Ripatti



Mefano okuza kolumoho omupangi Saima Mbandeka, omutumwa Anna-K. Ripatti nambushe.

OMUKWETU

Oye oshifo shOngeleka Onkwaevangeli paLuther yomOwambokavango. Oha nyanyangidhwa mOshinyanyangidho shOngeleka mOniipa. Omukuluntu gwoshifo omumbisofi dr. Leonard Auala. Ondando yOmukwetu komumvo muAfrika R 2-60, kombanda yomafuta R 5-00. Omambesitelo pamwe noondando naga tumwe kOmukwetu Oniipa, P/B. 2013 Ondangwa 9270

OWAMBOKAVANGO CHURCH PRESS
ONIIPA P/BAG 2013 ONDANGWA 9270